

«Mia motivaziun ei da sefatschentar culla mort»

L'uniun Tecum accompogna grevamein malsaus e moribunds. Ver 120 persunas digl entir Grischun lavuran oz per Tecum en survetsch voluntari. Per rinforzar l'equipa en Surselva ei Tecum alla tscherca da niev persunal. In che lavura gia dapi igl onn 2016 per Tecum ei Bernhard Bislin da Sagogn ch'ei da professiun specialist per damondas da segirtad. La FMR ha discurriu cun Bernhard Bislin davart sia motivaziun e davart siu engaschi per Tecum.

MARTIN GABRIEL/FMR

«Mia motivaziun ei da s'occupar cun mia atgna mort che vegn era adina pli e pli da tier. Jeu haiel 65 onns e la mort fatschenta mei gia dapi varga 20 onns ch'jeu haiel piers in da mes megliers amigts.» Quei di Bernhard Bislin tier la damonda daco ch'el lavuri per Tecum. «Igl accompignament da grevamein malsaus e moribunds ei per mei in survetsch al proxim. Jeu fetsch bugen quei survetsch.» El mument accompogna Bernhard Bislin ina gada il meins persunas grevamein malsausas ni moribundas en spital, en casas da vegls e da tgira ni excepziunalmein era pazients ch'ei in casa. Aschi gleiti ch'el vegni da reducir empau da siu pensem professiunal, vulessi el augmentar siu engaschi en survetsch da grevamein malsaus e moribunds, di Bernhard Bislin.

Esser sper il letg cu ei drova

Berhard Bislin lai passar revista cun buns sentiments da ses engaschaments dils onns vargai han liug principalmein la norg. «Igl ei grev da descriver quellus norgs ch'jeu vegliel sper in pazient ch'ei grevamein malsaus ni ch'ei «terminals», sco nus schein da moribunds. Jeu vi semplein dar d'entellir ch'jeu sun cheu. Ch'jeu sun presents cun tut mes senns.» Bernhard Bislin raquenta ch'ei seigi buca adina pusseivel da conversar culla pazienta ni cul pazient. «Biaras pazientas ni pazients ein dements ni ch'els han in disturbil deliric. Els dorman e vegnan da temps en temps neunavon per mirar sche jeu seigi aunc cheu. Quei pren ad els la tema d'esser persuls.» El vegli en patratgs e sch'il pazient dormi ruasseivlamein, hagi el era gia fatg in cupid sin sia sutga. «Jeu sun sper il letg per segidar cu ei drova mei. Jeu haiel denton era gia giu buns di-



Bernhard Bislin accompogna sco voluntari tier Tecum grevamein malsaus e moribunds. FOTO MARTIN GABRIEL

Tecum enquera novas forzas en Surselva

L'uniun Tecum ei vegnida iniziada igl onn 2000 sco uniun pigl accompignament da grevamein malsaus e moribunds ed ha oz circa 120 dunnas ed umens voluntaris. Ils biars han 50 onns e dapli. En Surselva ei Tecum alla tscherca da novas dunnas ed umens che semettan a disposiziun per accompignar grevamein malsaus e moribunds. Tecum porscha la scolaziun necessaria per noviz. En Surselva ha quella liug ella claustra dallas soras dominicanas a Glion. Il cuors cuozza engins dis. Mintgina e mintgin ch'entscheiva sco accompignadra ni accompignader survegni ina introduziun commensurada avon ch'ella surpren accompignaments. S'annunziar san ins tier l'uniun Tecum a Razén, telefon 0811/ 353 70 88. Informaziuns datti sin www.tecum-graubuenden.ch. (fmr/mg)

scuors ni ch'jeu haiel prelegiu ni ina gada ni l'autra tedlau musica ensemn ni cantau ina canzun.»

Sepprepar sil survetsch ei impurtont

«Ils survetschs tier Tecum entscheivan la sera allas 23.00 e cuozzan entochen la damaun dallas 6.00.» Bernhard Bislin di, ch'el nodi el plan dil meins da Tecum cura ch'el sappi surprendre in sur-

hagi accompignau seigien stai grevamein malsaus ed ina tiarza pazients che erien moribunds. El seigi denton aunc maina staus sper il letg cura ch'enzatgi seigi morts, di Bernhard Bislin. «Per mei eisi impurtont da saver bandunar il letg da miu pazient la damaun cul sentiment ch'el ei cuntents cun mei. Ei dat gronda satisfaziun a mi da far in survetsch ad in concarstgaun.»

«Per mei eisi impurtont da saver bandunar il letg da miu pazient la damaun cul sentiment ch'el ei cuntents cun mei.»

Bernhard Bislin da Sagogn, voluntari tier Tecum

vetsch. «Sch'ei drovan mei quei di ch'jeu sun s'inscret, lu survegn jeu in telefon cun l'indicaziun dil liug e dalla situaziun ch'jeu haiel da surprendre.» Naven da quei mument sepprepari el, denter auter era cun empruar da durmir ina ni duas uras avon ch'entscheiver il survetsch. «Cura che la norg cun la pazienta ni il pazient ei vargada, mirel jeu da saver far in di cun in program da lavur redimensiunau.»

Ina plivaleta

En tut ils siat onns sco voluntari tier Tecum ha Bernhard Bislin viu fetg biaras situaziuns. Duas tiarzas dils pazients ch'el

Pli sempel cun persunas nunenconuschantas

En fetg paucs cass ha Bernhard Bislin era gia accompignau persunas ch'el enconuscheva da pli baul. Ei seigi emozionalmein bia pli grev d'accompignar persunas enconuschantas. «Jeu haiel giu entochen ussa ina ni duas situaziuns che han occupau mei fetg suenter miu survetsch. Perquei havein nus in survetsch da supervisiun e da quel hai jeu era gia stuii far diever.» Sco voluntari en survetsch da Tecum ei Bernhard Bislin en survetsch en Surselva, mo era a Cuera e mintgaton – tenor basegns – era en autras regiuns dil Grischun.

Trofea Péz Ault 2024 era sco campinadi svizzer e hollandes

Sper la concorrenza populara usitada ensiara la Trofea Péz Ault da l'auter onn a Mustér era il campinadi svizzer e hollandes cun skis da turas. Il president dil comite d'organisaziun Giochen Bearth quenta cun rodund 350 concurrentas e concurrents.

HANS HUONDER/FMR

Ils 9 e 10 da mars 2024 ha la concorrenza cun skis da turas per la Trofea Péz Ault el territori da skis a Mustér liug per la 13avla ga. Ella cumpeglia danovamein dus dis da cuorsa ed era l'auter onn duas disciplinas, numnadamein in vertical ed in individual. Per la secunda ga suenter 2016 ei la Trofea Péz Ault denton era il campinadi svizzer e quenta il medem mument pil Swiss Cup cun skis da turas. Quei cup cumpeglia mintg'onn rodund otg cuorsas ell'entira Svizra. Il campinadi svizzer a Mustér vegn arranschaus per tuttas categorias naven dallas junioras ed ils juniors entochen l'elita. Spel campinadi svizzer cun rodund 150 participantas e participonts, semesiran denton era ils Hollandes alla trofea. Sco quei ch'il president dil comite d'organisaziun dalla Trofea Péz Ault, Giochen Bearth di, vegnan rodund 50 concurrentas e concurrents dalla Hollanda ad esser alla partenza e batter pils tetels nazionalis. Els vegnan ad absolver las medemas duas disciplinas, denton a parter e rangai separeidamein. «En Hollanda exista in club da skis da turas fetg activ», constatescha Giochen Bearth.

Niev slontsch alla cuorsa populara

Sco ils onns vargai porscha la Trofea Péz Ault danovamein duas disciplinas. Il



Comite d'organisaziun e voluntaris dalla Trofea Péz Ault el Curtin medelin. FOTO MMD

vertical dil Catrina Resort entochen a Caischavedra ei previus la sonda, la dumengia suonda allura la cuorsa individuala silla medema ruta sco ils davos onns. La cuorsa verticala ei ina fuorma

d'in sprint, l'individuala a liunga distanza. «En connex cun quels campinadis nazionalis dalla Svizra e la Hollanda lessen nus era dar gronda peisa alla concorrenza populara. Nus lessan empruar da

contonscher la finamira da 150 participantas e participonts per quella categoria», di Giochen Bearth e spera che quels campinadis hagian in effect positiv: «L'auter onn ha la Patrouille de Glacier

el cantun Valais puspei liug rodund in meins suenter la Trofea Péz Ault. Nus sperein che gruppas da duas ni treis persunas sedeciden aschia era per nus sco concorrenza da trenament per lezza cuorsa.» Igl unviern passau – signaus da magras relaziuns da neiv duront igl entir unviern – ein 80 persunas separeicipadas alla trofea. Il vertical haveva stuii vegnir strihaus pervia da munconza da neiv ed annunziar: «Duess la neiv era muncar igl unviern vegnent, havein nus alternativativas pil vertical. Ina savess esser da Caischavedra a Lai Alv.» Igl emprem da november 2023 vegn il portal d'annunzia aviatarts silla homepage dalla Trofea Péz Ault www.trofea.ch. Ch'ins arva gia ussa quei portal ei ina pretensiun davart ils sponsabels pil Swiss Cup.

Sentupada culs voluntaris

Sco engraziament per la lavur ei il comite d'organisaziun dalla Trofea Péz Ault s'entupaus la sonda vargada cun voluntaris. Suenter in'activitad el Curtin medelin ei vegniu purschiu ina tscheina als rodund 30 presents. «Per dar il sentiment d'ina communidad havein nus era regala a mintgin ina giacca cul logo dalla trofea», di Giochen Bearth. Igl ei stau igl emprem eveniment en quella moda: «Nus havein in fetg bieu tschep da voluntaris. Els ein da grond'impurtonza per nossas concorrenza.»